

## شرح آيات الجزء الخامس | اللقاء ( 50 ) | #ختمة\_تعارف | د.

### حازم شومان

حازم شومان

الحمد لله وكفى وصلوة وسلاما على عباده الذين اصطفى. اللهم لك الحمد كله. اللهم لك الحمد كله لك الملك كله وبيدك الخير كله واليک يرجع الامر كله. لبيك يا ربنا وسعديك والخير كل الخير في يديك. والشر ليس اليک - 00:00:00  
احنو بك واليک تبارك وتعالیت نستغفرلك ونتوب اليک اصبحنا واصبح الملك لله والحمد لله لا الله الا الله وحده لا شريك له. له الملك وله الحمد وهو على كل شيء قدير. اصبحنا على فطرة الاسلام وعلى كلمة الاخلاص وعلى دين نبينا محمد - 00:00:24  
صلی الله علیه وسلم وعلى ملة ابینا ابراهیم حنیفا مسلما وما كان من المشرکین. اللهم بك اصبحنا وبك امسينا وبك نحيا وبك نموت واليک النشور. اما بعد اخوانی واحبابی في الله يعني بعد الصلاة والسلام على حبيب الله صلی الله علیه وسلم. اه النهاردة ان شاء الله بازن - 00:00:44

لا مع سورة النساء. النهاردة ان شاء الله واحد وعشرين صفحة. يعني مع سورة النساء وسورة النساء بالنسبة لناس كتير جدا يعني سورة اه اه مبهمة يعني ايه يعني انا فاکر آآ تعلیق واحد من اخواننا مرة خطبة جمعة عن آآ آآ عن سورة البقرة الترابط الموضوع في سورة البقرة. فبقال لي بعدها قال لي - 00:01:04

اه يعني ايه انا كنت في خاتمة القرآن بعدى سورة البقرة اصلا. يعني لما اخلص ختمة اما اجي ابدأ ابدأ من ال عمران بقى يعني ايه؟ ما قراش سورة البقرة اصلا ليه مش فاهمها - 00:01:24

سبحان الله العظيم هل معقوله العلاقة اللي بينا وبين القرآن لهذه الدرجة؟ فاحنا النهاردة هنتكلم عن سورة النساء وسورة النساء بالنسبة لناس كثيرين هو بيقى محتاج انه نسمع بقى ايه ايات عن الجنة ايات عن النار عشان يخشى عشان نركز في صلاة التراويح انما سورة النساء يعني اه موضوعها طویل ومواضیع کتير - 00:01:34

كتير وهي بنتكلم عن ايه وما هو اش واحد باله منها فيسريح بقى بيقى ايه الايام الصعبة اللي في الاول في التراويح ديت قبل ما نبدأ ندخل في الصور بقى اللي بنتكلم عن الجنة - 00:01:54

بنتكلم عن النار واللي نقدر نعيش معها ديت. سورة النساء سورة ابكت رسول الله صلی الله علیه وسلم. سورة النساء سورة ابكت اصحاب النبي عليه الصلاة والسلام سورة النساء سورة ابكت السلف رضوان الله عليهم رحمهم الله. سورة النساء سورة ابكت النبي صلی الله علیه وسلم. لما قال لابن مسعود اقرأ - 00:02:04

علي القرآن كان متوقع ان سيدنا مسعود يقرأ عليه سورة قاف او يقرأ عليه يعني حاجة بقى من الايات اللي ايه يعني العظيمة الجليلة واللي الناس بتحب اسمع کتير ولكن ابن مسعود قرأ عليه سورة النساء. يعني السورة كلها احكام. دالة ان الصحابة ما كانش فيه فرق عندهم بين سورة النساء وسورة قاف - 00:02:24

بيین سورة البقرة والمفصل من القرآن. الصحابة كان كل القرآن عندهم عظيم. حتى اذا وصل الى قول الله سبحانه وتعالی فكيف اذا جئنا من كل امة بشهيد وجئنا بك على هؤلاء شهيدا. يومئذ يود الذين كفروا - 00:02:44

عصوا الرسول لو تسوی بهم الارض ولا يكتمون الله حديثا. ابن مسعود التفت فاذا النبي صلی الله علیه وسلم بیکی. النبي بیکی من قول الله وجئنا بك على هؤلاء شهيدا يعني زی بالزیط کده لما اب ابنته متهم في قضية قتل وابنه في القفص وجاپوا الاب يشهد -

الاب ده الشاهد الوحيد في هزه القضية. الاب لو قال اللي شافه ابنه هيتشنق. ابنه هيدخل في حبل المشنقة. والاب اضطر ان هو يقول الحق فعاطفة النبي عليه الصلة والسلام تجاه اللي بيشهد عليهم انه خايف عليهم ان نفسه انهم ينجوا ولكن هو هيشهد عليهم يوم -

بالكفر او هيشهد عليهم يوم القيمة بالمعصية وهو يعلم ان هذه الشهادة ممكناً يدخلوا جهنم بسببها. او هيدخلوا جهنم بسببها ولكن لازم مشهد لأن ده الدين فالنبي عليه الصلة والسلام بكى من سورة النساء. السلف بدوا من سورة النساء -

قول الله سبحانه وتعالى لما رينا سبحانه وتعالى آآآ كلما نضجت جلودهم ان الذين كفروا بآياتنا سوف نصلهم ناراً اه والنار هنا تنكير للتعظيم سوف نصلهم ناراً كلما نضجت جلودهم بدلناهم جلوداً غيرهم. مش كلما احترقت -

كلما نضجت جلدهم. الجلود دي اللي فيها مراكز الاحساس والاحساس والمراكز بتاعتة المستقبلات بتاعة الالم. ما هي الا بروتينات البروتينات دي عاملة زي البيضة كده زي صفار البيضة وبياض البيضة. اول ما البيضة بتتضخم خلاص كل البروتينات اللي فيها ما

طول ما الجلد بينضج مش بيتحرق بس الاحساس بتاعة راح. الاحساس بتاعة انتهى. فربنا بيقول كلما نضجت مش كلما احترقت. وكلما صيفت استمرار يعني على طول ورا بعضه كلما نظيت جلودهم وبدلناهم جلوداً غيرها ليذوقوا العذاب. يعني الآية بتقول لك عشان الاحساس بالالم -

طب عشان الاحساس بالعذاب ليذوقوا العذاب. الآية دي ابكت السلف. ابن عباس رضي الله عنه بيقول ثمان ايات في سورة البقرة ما احب ان بها ما طلعت عليه الشمس وغريت بيقول فيه تمن ايات في سورة البقرة. انا ما احبيش ان انا اخذ الكرة الارضية بولا اية من التمن -

دول من ضمن التمان ايات دول قول الله سبحانه وتعالى يريد الله ليبيّن لكم ويهدّيكم سنن الذين من قبلكم يريد الله ليبيّن لكم والله يريد ان يتوب عليكم. ويريد الذين يتبعون الشهوات ان تميلوا ميلاً عظيماً. يريد الله ان -

ان يخفف عنكم وخلق الانسان ضعيفاً. دي من الآيات التمانية. من ضمن الآيات التمانية ان تجتنبوا كبائر ما تنهون عنه. مش مش هتزنني ولا هتسرق ولا هتقتل ولا هتتكلّل رباً ان تجتنبوا كبائر ما تنهون عنه نكفر عنكم سيناتكم -

مهما كانت الذنب بعد كده وندخلكم مدخلاً كريماً. من ضمن التمن ايات دول ان الله لا يظلم مثقال ذرة. وان حسنة يضاعفها ويؤتى من لدنه اجراً عظيماً. ان الله لا يظلم مثقال ذرة. انت لو بتشتغل عند واحد بالف جنيه في الشهر. وبعد كده قصرت سنك -

هتاخت برضاو الالف جنيه. طب وبعد كده اشتغلت الشهر اللي بعده كوييس؟ زيادة هتاخت برضاو الالف جنيه. هم الالف جنيه. انما مع ربنا بمثقال الذرة هو بيحاسبك سبحانه وتعالى. ان الله لا يظلم مثقال ذرة. وان تك حسنة لو اصغر حسنة. سنتوفة حسنة كدهو.

ويؤتى من لدنه اجراً عظيماً. يبقى سورة النساء يا اخواني يعني سورة آآآ عظيمة المعاني ابكت رسول الله صلى الله عليه وسلم. ابكت اصحاب النبي صلى الله عليه ابكت السلف رضوان الله عليهم رحمة الله يبقى عايزينه احنا بنتعامل مع سورة النساء نفهم ان

السيدة سمية كان معها كم اية عشان تضحي بحياتها عشان الاسلام؟ يا ترى خباب وعمار وسلمان؟ كان معهم كم اية لما ضحوا بكل ما يملكون عشان الاسلام يا ترى صهيب الرومي كان معه كم اية عشان يضحي بما له وعشان الاسلام؟ يا ترى يا جماعة الناس دي كان معها كم اية؟ احنا الوقتي معنا المصحف كامل -

ولكن كم اية من المصحف ده في قلبك؟ كم اية من سورة النساء هتدخل في قلبك ندخل في موضوع سورة النساء؟ آآآ يعتبر سورة النساء بعد سورة البقرة وال عمران وكان متوقع انها بعد البقرة وال عمران يبقى السورة اسمها سورة الرجال. لأن البقرة وال عمران عايزين رجاله. انما جات سورة النساء -

النساء هم اللي هيربوا الرجالة. النساء هم اللي هيربوا الرجالة اللي هيطبقوا البقرة وآل عمران. طب ايه اسم سورة كبيرة يعني الحجم تالت صورة في السبع الطوال. وربنا سبحانه وتعالى يسميها سورة النساء. وانتم عارفين ان اسماء السور توقيفية. وانتم عارفين ان ترتيب الصور توقيفي. يعني - 00:07:42

لما تيجي صورة بعد صورة او قبل صورة ده توقيفي. ده ترتيب شرعى. يعني لازم تفهم السورة دي قبل دي ليه؟ والصورة ديت بعد دي ليه؟ لازم تفهم الترابط. ما فيش حاجة في القرآن كده يا جماعة. ما فيش لفظ في القرآن كده يا اخوانا. كل حاجة لها حكمة. كل ترتيب له حكمة - 00:08:02

آآ هو طبعا النساء يعني المرأة ديت لما بتصلح بتبقى آآ بتعمل اللي الرجالة ما يقدروش يعملوها. ولما بتفسد بتعمل للرجاله ما يقدروش يعملوها عشان كده الرسول عليه الصلاة والسلام قال ان المرأة اذا خرجت من بيتها ايه؟ استشرفها الشيطان. يعني ايه استشرفها؟ ايه خرجت اهي. خرجت اهي - 00:08:22

ابدا اشتغل بقى. الحاجة اللي انت هتدمي المجتمع ده وبها خرجت اهي. ابدأ بقى شف الشغل بتاعك. ان المرأة ان المرأة اذا خرجت من ايه ده استشرفها الشيطان. شيطان متشفوف ان المرأة تخرج عشان كل الشغل اللي يبدأ بعمله بعد كده هيبقى بعد هذا الامر. يعني اه اه - 00:08:42

المرأة لما بتصلح آآ آآ مين اللي يقدر يعمل اللي المرأة بتعمله؟ يعني مصر افتحت على ايد عمرو ابن العاص اللي بعنته لمصر عمر ابن الخطاب. يعني ميزان صالات ميزان الدرس ده ان شاء الله في ميزان عمرو ابن العاص. وميزان عمرو ابن العاص كله في ميزان عمر بن الخطاب هو اللي بعنته مصر. وعمر بن الخطاب اسلم على ايد فاطمة بنت الخطاب - 00:09:02

وفاطمة بنت الخطاب اسلمت على ايد خديجة بنت خوبلد. يعني ممكن ميزان مصر دا هو كله في ميزان خديجة بنت خوبلد. ممكن يكون درس زي ده في ميزان خديجة بنت خوبلد - 00:09:22

التي اصلا ماتت قبل ان تفرض الصلاة. يكون صلاة الفجر دي في ميزانها وهي ماتت قبل ان تفرض الصلاة. يبقى المرأة لما بتصلح المرأة لما طب مين اللي افسد العالم من الرجال؟ قد ما يعني الفنانات والممثلات العالميات والمغنيات العالميات مين اللي نشر - 00:09:32

الفجور في الارض قد دول. مين اللي افسد الكرة الارضية قد دول؟ عشان كده الشيطان اذا ان المرأة اذا خرجت من بيتها استشرفها الشيطان. لانه عارف ان ده سلاح ممكن يدمر به الكرة الارضية كلها. لو عرف يستعمله استعمال خبيث. طيب ليه بقى لا نستشرف نحن؟ ما هو ده اللي بيحصل الوقتي يا جماعة. سورة - 00:09:52

النساء ان اللي مطلوب اللي يستشرفه اهل الائمه. اللي يستسمروا المرأة لنصرة دين ربنا سبحانه وتعالى ونشر الحق. هم اهل الائمه. غير ان يعني انا ممكن ادعو واحد شاب غير ملتزم للالتزام. وممكن فتاة غير ملتزمة تدعى للالتزام وتلتزم. الاخطر ايه؟ الشاب - 00:10:12

لما التزم فيه واحد التزم. انما البنت لما التزمت في الف شاب كان مش عارف يلتزم بسبيها. وباب الفتنة اتقلل عليه لما دي التزمت فمفتوح افساد اي مجتمع هو نساؤه. يعني لو انت عايز تدمر مجتمع دمر المرأة. المرأة تتجرز الاسرة تطلع متهدمة - 00:10:32 الاطفال هيطلعوا منهارين. تخيل ادي جيل اهو طلع منها. الاطفال دول هيتجوزوا بعض لما يكبروا اجيال مدمرة اتجوزت بعض. هتخلف اجيال مدمرة يعني انت بتدمير امرأة واحدة دمرت تلات اجيال. بتدمير امرأة واحدة بس. عشان كده اول ما بدأوا يحاربوا الامة الاسلامية حاربواها بقضية - 00:10:52

تحرير المرأة يعني ايه؟ ما حدش يكلم واحدة في اللي هي بتعمله. حدش له دعوة باللي البنات بتعمله او الستات بتعمله قضية يعني آآ آآ قضية خطيرة جدا يا اخوانى - 00:11:12

ان قضية دور المرأة في آآ لما بتفسد ببىقى اخطر مما يستطيع ان يفعله اي رجل. ودور المرأة لما بتصلح هي اللي بتبني رجاله اللي يقدروا يشيلوا الدين واللي يقدروا يجاهدوا في سبيل الدين. آآ فده اسم النساء ان كلمة النساء تتحط على آآ - 00:11:22

ترى من اطول سور القرآن. لما نيجي نبدأ كده في سورة النساء هنلاقي يعني يعني سورة النساء بتتكلم عن ايه؟ سورة النساء فيها ملحم من البقرة وفيها ملحم من آل عمران. ملحم من البقرة انها زي سورة البقرة بتتكلم عن بناء المجتمع. والاحكام اللي بتبني المجتمع. وملحم زي آل عمران انها بتتكلم ازاي المجتمع ده ما يقعش - 00:11:42

بس سورة آل عمران فيه طوارئ فيه جيش ثلاث تلاف واحد جاي يهاجم على المدينة المنورة في غزوة احد في طارق انما سورة النساء بتتكلم عن المشاكل طويلة الامد. النار الهادية اللي اهل الباطل بيسووا المجتمع الاسلامي - 00:12:02 عشان كده اول ما نبدأ نلاقي قول الله سبحانه وتعالى بعد يا ايها الناس اتقوا ربكم واتوا اليتامي اموالهم ولا تتبدلوا الخبيث بالطيب فلوس قضية الفلوس للرجال نصيب مما ترك الوالدان والاقرءون. وللنساء نصيب قضية الفلوس. للذكر مثل حظ الانثيين. قضية الفلوس - 00:12:22

يبقى قضية المال بعد كده واللائي يأتين الفاحشة من نسائكم فاستشهدوا عليهن اربعة منكم. يبقى قضية زنا قضية النساء يبقى اذا اول حاجتين اتكلمت عنهم سورة النساء. فتنة المال وفتنة النساء. ودول اكتر - 00:12:42 فتنتين بيوقعوا اي مجتمع. ودول اكتر فتنتين بيدمروا اي مجتمع. فتنة المال وفتنة النساء. يبقى هي بدأت الاول بفتنة المال. واذاي ان فيه انسان يقدر يأكل حق يتيم. طفل صغير مش عارف حاجة ولا يقدر يدافع عن حقوقه. ولا فاهم حقوقه اصلا. وفيه واحد يقدر يأكل - 00:13:02

مال هذا اليتيم وليخشى الذين لو تركوا من خلفهم ذرية ضعافا خافوا عليهم فليتقوا الله ول يقولوا قولوا سيدا في انسان ممك ينهب مال ضعيف. وربنا بيحذره فتنة مال. وبعد كده قضية الزنا فتنة النساء. يبقى دول اول فتنتين مذكورين في - 00:13:22 في سورة النساء. سورة النساء بتتكلم عن ايه يا جماعة؟ سورة النساء بتتكلم عن قيمة من القيم اللي تدمي اي مجتمع حينما تغيب عنه سورة النساء بتتكلم عن قيمة من اخطر القيم ان لم تكن اخطر القيم بعد الایمان بالله وبعد توحيد الله اي - 00:13:42 مجتمع بيتدمر لو القيمة دي مش موجودة فيه. سورة النساء بتتكلم عن قيمة العدل. قيمة العدل. يعني احنا عايشين في مجتمع كله ظلم ظلم اقتصادي وظلم اجتماعي. ظلم للمرأة وظلم للراجل وظلم للأطفال. وظلم للضعفاء. المناصب بالوسائل لما دخلنا كلية طب. لقيناهم - 00:14:02

بيقولوا لنا كلية الطب الطب يورس ولا يدرس. يعني ايه؟ يعني انت ابن استاز في كلية الطب هتطلع استاز في كلية الطب. انت مش ابن استاز في كلية الطب يبقى ايه؟ الطب - 00:14:22 يورس ولا يدرس. عملية قهر انك تلاقي انسان طلع الاول في كلية من الكليات اللي اتعين الثاني لأن هو ابن استاز. قضية ان لك تفاجأ ان فلان لأن ابوه شغال في الشركة الفلانية هو اللي راح اشتغل فيها. انما الاكفا مش عارف يشتغل لأنه ما عهوش واسطة او مش عارف - 00:14:32

ادفع رشوة. قضية لما المجتمع يبقى مجتمع ظالم. قضية لما الحاكم عايز يجيب ابنه بعده. ورئيس القسم عايز يجيب ابنه بعده. والموزف في شركة عايز يجيب ابنه بعده. قضية لما المجتمع يسود فيه الظلم. ما يباقاش الموضوع بالافضلية. ما يباقاش الموضوع بالحقيقة. ما يباقاش الموضوع بالجدار - 00:14:52

يبقى قضية ظلم لما الراجل يظلم المرأة. والمرأة تظلم الراجل والاتنين يظلموا الاولاد. لما المجتمع يسود فيه الظلم. عشان كده ظلم داء كفيل انه يهد اي مجتمع وانه ينهار بسببه اي مجتمع. لما شاب متخرج يروح يشتغل في وظيفة الراجل يقول له هتتيجي من ستة الصبح ولا - 00:15:12

من سبعة الصبح لثمانية الصبح لحد عشرة بالليل وهاديك تسممية جنيه في الشهر. يا عم انت التسممية جنيه دول هاكل منين واشرب منين واسكن منين واتجوز منين واخلف واصرف على - 00:15:32 عيالي ازاي؟ انا ما لي طب انا هاشتغل عندك خمسمية ساعة في الشهر. انت هو كده عاجبك عاجبك مش عاجبك عاجبك؟ سخرة بقى من سخرة لما المجتمع يسود - 00:15:42

ايه الظلم يا اخوانا؟ لما القضية تبقى قضية المجتمع. سورة النساء بتتكلم عن العدل. بس بتتكلم عن العدل صورة افق لم يصل اليه البشرية. الوقت يقول لك منظمات حقوق الاطفال. منظمات حقوق المرأة. منظمات حقوق - 00:15:52 انسان منظمة العدل الدولية للدفاع عن المستضعفين والمظلومين المنظمات اللي بهروا بها العالم اللي حولوا العالم بهم هم عملوا الكلام ده ازاي ؟ قدروا يوصلن لميثاق حقوق الانسان. وكمان ميثاق حقوق الطفل وكمان - 00:16:12

منظمة العدل الدولية. منظمة الظلم الدولية اللي المفروض انها بتدافع عن المستضعفين. وكمان وكمان الكلام ده يا اخواننا من الف وربع ميل سنة وهو عندنا في سورة النساء. سورة النساء دي صورة نفخر بها على العالم كله. ونفخر بها على الدنيا كلها. ونفخر بها المدد - 00:16:32

التاريخ الى يوم القيمة ولكن للأسف الشديد هي دي المصيبة بتاعتنا دايما ان كل ما يعملوا حاجة نقول ياه ده في القرآن. يعني دايما كده كل ما يوصلوا لحاجة في الغرب يوصلوا لاختراع مش طلعت في القرآن. يا راحل! والله طلعت في القرآن! الحمد لله. هنفضل طول عمرنا ماشيين ورا اهل الباطل. كل ما يكتشفوا - 00:16:52

الشاف ده طلع في القرآن كل ما يوصل له حاجة يا اخي والله ده كانت في القرآن. لحد امتى احنا اللي هنقول ؟ امتى احنا اللي هنكتشف الاكتشافات وهم اللي يبقو ورانا. امتى احنا هنؤي للأسف الشديد احنا معنا القرآن ولم نصل الى عزمه الاسلام. الناس دي - 00:17:12

القرآن ووصلت لمبادئ الاسلام من غيرنا. من غيرنا واحنا المفروض ان احنا اللي بنشر هذه المبادئ في الارض. فسورة النساء بتتكلم عن معنى العدل العدل ايه؟ فيه تلات حاجات يا جماعة النهاردة عايزين نركز عليهم. العدل مع الضعفاء الضعيف النهاردة بيتأكل الضعيف النهاردة بيتمسح - 00:17:32

والارض الضعيف النهاردة بيتهرس يعني كانك جبت تريليا وهرست واحد تحتها كده. الضعيف النهاردة بيتنسي خلاص ما حدش يفك فيه ما حدش بيصل له ما حدش يعمل له اعتبار. العدل مع الضعفاء. الاول الانسان الضعيف ده. الحاجة الثانية العدل مع الاعداء - 00:17:52

سورة النساء كلها كلام عن اليهود. احنا بنتعامل مع وضع خطير جدا. يهود مسلمين عايشين مع يهود في بلد واحدة. والمسلمين هم اللي حاكمين زي فلسطين الوقت مسلا والمسلمين هم اللي حاكمين. وفي مشاحنات ما بين الطرفين بتحصل. ومش كل مرة اليهودي هو اللي ظالم. ومش - 00:18:12

كل مرة اليهودي هو اللي مفترى. ومش كل مرة يا ترى القضية دي اتعالجت ازاي ؟ الاعداء اللي انا باكرهه اللي انا مش طايقه ها عمل معه ايه الحاجة الثالثة العدل على الاولى. يعني ايه ؟ يعني آآآ يعني هنشوف القضية دلوقتي يا جماعة. ولكن نبدأ الاول بالنقطة الاولانية بسرعة. العدل - 00:18:32

مع الضعفاء. شوفوا اول اية بعد المقدمة بعد يا ايها الناس اتقوا ربكم واتوا اليتامي اموالهم. اليتيم ده طفل عنده اربع خمس سنين وابوه مات وسايب ورس وممكن عمه يأكله وممكن خاله يأكله وممكن اي حد قريبه يأكله وممكن يعني ممكن اي حد يأكل - 00:18:52

الورس. يبقى الاول اليتيم خوافة من ربنا. عشان كده ولি�خش الذين لو تركوا من خلفهم ذرية ايه؟ ضعافا. النهاردة ابن فلان ده هو هو اللي ضعيف. بكرة ابنك هو اللي ضعيف. خاف بكرة. لو انت كلت على داهو فلوسه ان بكرة ربنا ينتقم منك - 00:19:12 في ولادك ان بكرة ربنا يخلص منك اللي عملته في الناس في ولادك بعد ما تكون انت مت وولادك هم اللي بقوا ضعفاء خد بالك من لفظ في سورة النساء قال تعالى وما لكم لا تقاتلون في سبيل الله والمستضعفين من النساء - 00:19:32

من الرجال والنساء والولدان الذين لا يستطيعون حيلة ولا يهتدون سبيل الذين يقولون ربنا اخرجنا من هذه القرية الظالم اهلها واجعل لنا من لدنك ولينا واجعل لنا من لدنك نصيرا وما لكم لا تقاتلون في سبيل الله والمستضعفين. شعار حياة مهول في سبيل الله - 00:19:52

ايه المستضعفين شعار مهول ان انسان يبقى ده شعار حياته. انا عايش حياتي في سبيل الله والمستضعفين. انا مش هسيب انسان ضعيف الا وهقف معك. مش هسيب انسان ضعيف الا وهنصره. للاسف يا اخواننا الكلام ده الغرب هو اللي مطبقة دلوقتي. الكلام ده في سبيل الله والمستضعفين - 00:20:12

كلمة المستضعفين ديت دي منزمه العدل الدولية. ديت منظمة العدل اللي هي المفروض مبنية عشان اي مستضعف في الارض تقاتل عشانه. عشان تجيش جيوش الدول القوية من اجل ان اي فئة مستضعة في الارض تقاتل عشانها وتظلمها. صحيح المبادى بتاعتهم مبادى شكلية - 00:20:32

ما بينفزوهاش في النهاية ولكن وفي الاخر بيبقى الموضوع بترجمتك صالح ولكن الكلمة نفسها اتاختت مننا. الكلمة نفسها لو كنا احنا فعملنا منظمة العدل الدولية. لو كنا احنا اللي طبقنا الاسلام الاسلام يعني او حقوق الحيوان اللي بيتكلموا عنها برة. اول مرة في البشرية - 00:20:52

هي تسمع ان بني ادم دخل الجنة عشان كلب. ان بني ادم دخل جهنم عشان قطة. اول مرة الكلام ده بتاعتنا احنا. هم اللي عاملين منظمات حقوق الحيوان الوقتي منظمات اليونيسيف حقوق الاطفال لما النبي قال للراجل اللي ما بيقبلش ولاده وماذا افعل اذا كان الله - 00:21:12

نز الرحمة من قلبك. دي فكرتنا احنا. دي مبادئنا احنا. حقوق المرأة. الاسلام لاول مرة في التاريخ. تقوم لك من اجل انتهاك حق امرأة غزوة بنو قينقاع عشان واحدة بس اعتدى عليها يهودي اعتدى على على حقها - 00:21:32

او دي تقوم غزوة كاملة عشان امرأة حقوق المرأة دي بتاعتنا احنا. حقوق الطفل دي بتاعتنا احنا. منظمات حقوق المظلومين في الارض منظمة حملة دولية في سبيل الله والمستضعفين. عشان كده ربنا بيقول في سورة النساء يا ايهما الذين امنوا كونوا قوامين بالقسط. يعني ايه - 00:21:52

بالقسط كل ما تلاقي قضية ظلم دي في رقبتك انت. كل مظلوم في الارض ده في رقبتك انت. كل قضية استضعف في الارض دي في رقبتك انت كل قضية اقليات مستضعة في دولة من الدول. دي قضيتك انت. كل واحد انزلم زوق اتسجن زلم في سجن من سجون طواغيت - 00:22:12

الكرة الارضية دي قضيتك انت. كونوا قوامين. قم. او عى تقدر بالقصد كل ما تلاقي ظلم كل ما تلاقي استضعف. كل ما ده افترى من بشر على بشر دي قضيتك انت مش هو ده الكلام بتاع المنظمات الغربية دلوقتي! ده كلامنا احنا! ده كلام سورة النساء! ده سورة النساء - 00:22:32

هي اللي اقرت هذه المبادى ولكن للاسف الشديد احنا معنا القرآن وجاين الوقتي نقول ياه ده عندنا نفس استغفر الله العظيم يعني السزاجة بلاش نقول الفاز اشد من هزا. نفس السزاجة منقطعة التزير اللي احنا يعني بنموت بها ضميرنا كل مرة - 00:22:52

نبيع نفسنا كل مرة ان اللي هم وصلوا له عندنا. طب لو هو عندكم ما بهرتوش العالم به ليه؟ ما فهمتوش العلم تحرير العبيد اللي سنة خمسة واربعين الامم المتحدة اعلنته عبيد ده مش عندنا في سورة النور فكتابوهم ان علمتم فيهم خيرا واتوه - 00:23:12

من مال الله الذي اتاكم؟ هو دي مش عندنا احنا! هو المبادى دي مش مبادئنا احنا! منظمات حقوق الانسان. لما النبي عليه الصلاة والسلام لقى جنازة يهودي معدية والنبي عليه الصلاة والسلام وقف يا رسول الله انت واقف ده حديث يا اخواننا ده في البخاري والنبي عليه الصلاة والسلام وقف انت واقف يا رسول الله ده يهودي يهودي - 00:23:32

يعني ما فيش يعني اشد نتنا على وجه الارض من هؤلاء. النبي عليه الصلاة والسلام قال لهم اوليس نفسا؟ لا ده الموضوع هنا قضية نفس القضية قضية انسانية هنا. قضية ناس وليس نفسا النبي عليه الصلاة والسلام وقف لجنازة اليهودي. وقال اوليس نفسا عليه الصلاة والسلام - 00:23:52

هم اللي جاين الهازاده يعملا ميثاق حقوق الانسان ويقول لك اوليس نفسا سواء افريقي سواء ايا ما كان دينه ايا ما كان وطنه ايا كان مستوى المادي ايا ما كان بلده. اوليس نفسا! هم اللي جاين دلوقتي يتتطروا على العالم! بالمبادى بتاعتنا احنا اللي من الف

سامعنها يبقى العدل مع الضعفاء. واتوا اليتامي اموالهم. يبقى من اول سورة النساء الكلام عن اليتامي. بعد كده الرجال نصيب مما ترك الوالدان والاقریبون. وللنمساء نصيب مما ترك الوالدان والاقریبون مما قال منه او كثـر - 00:24:32

اواعي تزلم المرأة حقها المادي. اواعي تجور على الحق المادي لامرأة. او عن الكيان الاقتصادي لامرأة. وللننساء نصيب مما ترك الوالدان والاقریبون. مما قال منه او كتر. نصيبا مفروضا. بيق، الدفاع عن حقوق المرأة باعتبارها يعني - 00:24:52

كائن مستضعف في المجتمعات الجاهلية. عشان كده ربنا بيقول بعدها وانت بتقلب الصفحات بتاعة سورة النساء. هتلaci شواهد كتب اوه. عل. الكلام ده. يا ايهما الذب: لا بحا. لكم ان تدئن النساء كرها. بعنه. انه توث النساء؟ المرأة كانت فـ. الحالـة بتنتهـثـ. يعني

ساب فلوس وساب زوجتين. ابنه ييجي يورس الزوجتين زي ما بيورس الفلوس. ياخدهم غصب عنهم زي ما بيأخذ الفلوس بيورسهم

بـتـتـاـخـدـ كـدـهـ غـصـبـ عـنـهـاـ تـتـورـسـ غـصـبـ عـنـهـاـ. تـبـقـىـ وـرـسـ. يـورـسـ غـصـبـ عـنـهـاـ. وـلـاـ تـعـضـلـوـهـنـ. لـتـذـهـبـوـاـ بـعـضـ مـاـ اـتـيـتـمـوـهـنـ الاـ اـنـ يـأـتـيـنـاـ

بفاحشة مبينة. وعاشروهن بالمعلوم. فان كرهتموهن فعسى ان تكرهوا شيئاً ويجعل الله في - 00:25:52

فيه خيراً كثيراً. يبقى ربنا سبحانه وتعالى بيوصينا بالضعفاء في الصورة. وما لكم لا تقاتلون في سبيل الله. والمستضعفين من الرجال

يعني - 00:26:12 يعني اذا قضية المستضعفين دي قضية في رقبتنا. القضية الثانية في الصورة ودي قضية في غاية الخطورة. يعني النساء والولدان. يبقى اذا قضية المستضعفين دي قضية في رقبتنا. القضية الثانية في الصورة ودي قضية في غاية الخطورة. يعني

وهنالقيها في قول الله سبحانه وتعالى ﴿ طبعاً سورة النساء سورة طويلة وصورة محتاجة ﴾ يعني تركيز شديد جداً وانت بتسمعها رقم مية وخمسة اية رقم مية وخمسة وهذه اية يشهد التاريخ للإسلام انه لا يوجد دين على وجه الارض - 00:26:32

رق اتباعه لهذا الافق في التاريخ الا دين الاسلام. ولا يوجد دين على وجه الارض. ارتقى لها هذه الافق في مفهوم العدل زي دين الاسلام. موقف تاريخي مذهل بس احنا للاسف مش عارفين نسوق الدين بتاعنا. كان في مقال زمان في - [00:26:54](#)

عايز يقول ان احنا مش عارفين نستغل ثرواتنا يعني. فلما الواحد بدأ يفكر كده - 00:27:14

اساس دی عممت ان الرموم بناعثها ابطال على مستوى العالم. اومال لو سمعوا عن الابطال بتوعا كان ييفي الوضع سكلا  
ايه؟ للاسف الشديد احنا مش عارفين نسوق لدينا. مش عارفين نفهم الناس دينا عظيم قد ايه. لأن احنا نفسنا مش عارفين ديننا

اعظيم قد ايه. شف ربنا بيعقو ايه - 00:27:54

عن الذين يختانون أنفسهم. هو أية ده يا جماعة؟ في - 00:28:14  
از الحرب مع اليهود وانتم بتقروا سورة النساء النهاردة بازن الله هتلارحز ان قضية اليهود مسيطرة على موضوع السورة. قضية اللي

هـ ذيـ ماـ هـنـقـولـ الـوقـتـيـ فـضـيـةـ مـعـ الـيهـودـ وـالـحـرـبـ الـرـهـبـيـةـ الـلـيـ الـيـهـودـ بـيـدـيـرـوـهـاـ مـنـ وـرـاـ السـتـارـةـ ضـدـ الـاسـلـامـ وـمـنـ قـدـامـ السـتـارـةـ ضـدـ الـاسـلـامـ - 00:28:34

وأحد ثانٍ من الانصار. وأحد انصاري يسرق درع واحد من الانصار. ولما يكتشف الامر بتاعه - 00:28:54 مسيطراً على الموقف بتابع سورة النساء. فيه حقيقة اليهود مولعينها علينا. في عز هذة الفترة الحرجة واحد من الانصار يسرق درع

يعمل ايه؟ مين المبوزين في المجتمع؟ ها مين المبوزين؟ انت عارفين زي السنة اللي فاتت كده؟ التيار الاسلامي هو الشماعة اللي

كله يعلق عليها اي حد اللي عايز يقتل واحد يقتله. اصل هو كان تبع مش عارف كان تبع التيار الاسلامي. اللي عايز يبلغ في موزف  
عنه في الشغل حارق قلبه هيترقى - 00:29:14

فكانوا اصل هو تبع التيار الفلانى. اللي متغاظ من جاره. اصله تبع اللي بينه وبين قريبه قضية ورس. اصله تبع التيار الفلانى مجتمع  
ماشى والدنيا ماشية والناس ما حدش بيفكر او خلاص ينفع بما لا يسمع الا دعاء ونداء. فالمين الشمام - 00:29:34

اعلى اللي سهل قوي انه يتعلق عليها اي جريمة. اليهود الزلمة المعذبين. قام واحد الدرع السارق الانصاري. ها فيما روى في هذه  
القصة اخذت درع والقاہ في بيت احد اليهود وقام راميه في بيت واحد من اليهود وقام خارج للناس قال لهم بيتهمني - 00:29:54  
فيها ده اللي سرق اليهودي والمجتمع كله مؤهل ان يبقى اليهودي هو اللي حرامي واليهودي هو اللي ضلالي احکم رسول الله صلى الله  
عليه وسلم للانصاري. وبيرى الرسول عليه الصلاة والسلام الانصاري. ويدين النبي صلى الله عليه وسلم - 00:30:14  
اليهودي وتنتهي القضية ولكن تنتهي عند البشر ولا تنتهي عند رب البشر. الموضوع انتهى يا جماعة والمحكمة حكمت ان من الانصاري  
بريء والدرع اتقى في بيت اليهودي واليهودي هو اللي زالم وضلالي زيه زي باقي اليهود كلهم. والقصة خلصت والدولة اسلامية - 00:30:34

والحاكم اسلامي والقضاء اسلامي وما حدش وما فيش استئناف والقصة خلصت والموضع انتهى. واذا بوجي ماء ينزل من فوق  
سبع سماوات ليبرى اليهودي ويدين الانصاري. ليبرى اليهودي ويدين كان فيه الف عذر ان القضية تتوقف وما حدش يتكلم. كان فيه  
الف عذر تحت الف مسمى. ده انصار - 00:30:54

يعنى الرواية بتقول ان هزا الانصار السارق ارتد وراح للمشركين. يعني يخبط راسه في الحيطه اللي عايز يسيب الدين يسيب الدين  
انما المبادئ فوق البشر. والمبادئ فوق المصالح. ترسیخ لمبادئ لم يتخيّل - 00:31:24  
للبشر ان في يوم من الايام يوصل البشر لهذا المستوى من المبادئ. ينزل القرآن ليبرى اليهودي كالكتاب بالحق لتحكم بين الناس بما  
اراك الله. ولا تكون للخائنين خصيمها. خائنين هنا الانصاري اللي سرق الدرع - 00:31:44  
او رماه عند اليهودي واستغفر الله ان الله كان غفورا رحيم. ولا تجادل عن الذين يختانون انفسهم. اللي سرقوا غيرهم في التهم دي  
يستخفون من الناس. ولا يستخفون من الله وهو معهم. اذ يبيتون ما لا يرضي من القول - 00:32:04

كان الله بما يعلمون محيطا. يبقى قضية ومن يكسب آآ خطيبة او اثما ثم يرمي به بريئا البريء هنا يهودي واللي كسب الخطايا  
والاثمن كان ممكناً يعني يا رب ده انصار يا رب والانصار دول اصلا ده احنا عايشين في بيتهم. ده احنا عايشين في - 00:32:24  
ده في لحظة يقولوا لنا امشوا اطلعوا برة. يا رب ده الاسار دول اللي شايلين الدين. طب نسكت ونعديها. اصل الانصار ياما عملوا  
 حاجات كويسة. ما ينفعش. يا رب ده يهودي. الثاني ده - 00:32:44

هودي يعني حلال فيهم الاكل. العدل عدل على الجميع. طب يا رب احنا في مرحلة لا تحتمل ان احنا نقول ان الانصاري هو اللي سارق  
واليهودي هو اللي بريء. يا رب ده الاعلام اليهودي مولع المدينة. يا رب ده برامج التوك شو بكرة هتفضحنا في الدنيا كلها. يا رب ده - 00:32:54

ثمانية وعشرين قناة العلمانية برامج التوك شو هتخلينا عبرة لمن يعتبر بكرة. هياخدوا الحادثة دي ويقول لك ياد يا عم المسلمين.  
وادي يا عم اسلاميين وادي ما فيش حاجة اسمها الكلام ده العدل عدل والمبادئ مبادئ والمبادئ فوق كل شيء. تخيل اما تنزل سورة  
النساء - 00:33:14

عشان تقول لك ان آآ يعني في قول الله سبحانه وتعالى ان الله يأمركم ان تؤدوا الامانات الى اهلها. واذا حكمتم بين بين ايه؟ بين  
المسلمين ان تحكموا بالعدل. صح كده؟ واذا حكمتم بين الناس ان تحكموا بالعدل. ان الله - 00:33:34

عمة يعظكم به واذا حكمتم بين الناس في الوقت اللي المجتمع كان مليان يهود ما فيش حاجة اسمها يهودي ومسلم في العدل ما  
فيش الكلام ده خالص العدل فوق الجميع. يبقى سورة النساء بتترسخ مبدأ. عشان كده في ايات المواريس في الاول آآ يعني - 00:33:56

وزي ما قلنا امبراح احنا بنحاول نشاور يعني زي نجوم في السماء كده واحنا بنشاور والله شوفوا النجم ده النجم ده انما عمرنا ما هنمد ايدينا ونوصل للنجم ابدا. احنا بنحاول نشاور على - 00:34:16

بعض المعاني وان كان الموضوع اكبر من كده يا اخوانا. احنا بنتكلم مع سورة محتاجة كونجرس اسلامي عشان يفهمها اية المفروض ان المصحف ده يعني مجلس زي مجلس الشيوخ الامريكي كده مجلس علماء الامة بينعقد يوميا اربع خمس ساعات عشان يفهموا اية اية في - 00:34:26

الكتاب ده عشان يخرجوا لنا منه الدستور ويخرجوا لنا منه القوانين. ويخرجوا لنا منه حل المشاكل. احنا بنتكلم في الواقع المفروض. ولكن آآ يعني يعني الموضوع مش قضية ايه ؟ كلمة بعد فجر في مسجد في لأد احنا بنحاول نشاور بس. فربنا سبحانه وتعالى في اية المواريس يقول لك - 00:34:46

من بعد وصية يوصي بها او دين غير ايه غير مضار. ايه ده بعض العلماء قال لك ايه غير مضار ديت؟ يعني ممكن يكون مسلا انا هاموت ، ومن ضمن اللي هيورس في مسلا ابن عمي ابن عم مرات خالي، اي حد وانا ما بطريقوش بيني وبينه ده - 00:35:06 يعني وبينه مصايب. فانا عايز اخرجه من الورس باي طريقة. عايز اعمل اي حاجة تطلعه من الورس. فابداً العب بقى في قضية الوصية وفي قضية الورس بحيس انما الرجل ده ما يورسش في غير مضار. او عى عداوتك لانسان تمنعك - 00:35:26

انك انت تدي له الحق بتاعه. يبقى اذا آآ آآ سورة النساء تتحدث المرة الثانية عن العدل مع الاعداء ان رغم ان فيه يهود لازم تعدل. يهودي مسلم العدل عدل. والمبادى مبادى. الاية الثالثة او المعنى الثالث العدل على الاوليات. يعني ايه العدل على الاوليات - 00:35:46 يعني ربنا في السورة بيقول سبحانه وتعالى من يشفع شفاعة حسنة يكن له نصيب منها. من يشفع شفاعة حسنة يكن له ايه نصيب منها. ومن يشفع شفاعة سيئة يكن له كفل منها. وكان الله على كل شيء مقيتا. ايه - 00:36:06

فعل حسنة وايه الشفاعة السيئة؟ عارفين قضية الوسايطة؟ زي قضية كده ايه؟ يعني اه ما كل واحد عايز ابنه بيجي مسلا في الشركة اللي هو فيها او عايز مسلا - 00:36:26

قربيه بيجي في المكان اللي هو فيه. يعني قضية الواسطة من يشفع شفاعة حسنة. انا عارف ان الشاب ده انسان موهوب. وانسان كفء. وانا راجل عندي مركز كبير اقدر ان انا اعین الشاب ده به في مكان. وده انسان لا هو ابني ولا قربي ولا نسيبي ولا بيني وبينه اي شيء الا اني - 00:36:36

ده انسان يستحقه وانا انسان اقدر ان انا ادي له حقه. يبقى دى شفاعة حسنة. شفاعة سيئة ده ابن قربي. ده ابن حببي. ده ابن آآ اه نسيبي دم والراجل جا لي وما ينفعش وعشان خاطري وانت بامضه منك هيتعين في المكان الفلانى وهو ما ينفعش اصلا - 00:36:56

انه يقعد في اي حاجة ولا ينفع انه يقود هزه المسئولية. انما عشان بقى الواسطة وعشان مش عارف ايه امرنا لله. من يشفع شفاعة حسنة يكن له مصيب منها ومن يشفع شفاعة سيئة يكن له كفل من الكفالة اللي المتهم بيخرج منها كده. الغرامه هتتيجي على - 00:37:16

جميع العدل على الاوليات. قال تعالى يا ايهما الذين امنوا كونوا قوماين بالقسط شهداء لله شهداء لله. مش مصلحة شهداء لله ولو على انفسكم او الوالدين والاقررين. يعني اللي في قفص المحكمة ده ابوك. وانت - 00:37:36

لو شهدت ابوك ده هيأخذ مؤبد. وانت ربنا بيقول لك شهداء لله ولو على انفسكم او الوالدين والاقررين. يعني مهما كان العدل عدل والحق حق والشهادة لله. ولو كان اللي هيشهد عليه اقرب واحد لك في الدنيا. ولو كان اللي هيشهد عليه احب - 00:37:57

واحد لك في الدنيا سورة النساء بنتكلم عن افاق من العدل وافق من المبادى وافق من الرقي البشري ما فيش حد في التاريخ وصل له يا جماعة. للاسف الشديد يعني آآ ده الكتاب اللي الحرف فيه بعشر حسنان. اللي احنا ما نعرفش عنه غير - 00:38:17 الحرف يبقى عشر حسنان. انما احنا نفهم القرآن ان احنا نسخر حياتنا لفهم القرآن. ان احنا نسخر حياتنا من اجل نصرة مبادى القرآن. ان احنا عشان حتى نفهم الناس ايه هو القرآن؟ انما في واحد في الغرب يتخيّل ان من الف وربع مائة سنة القرآن اتكلّم عن

وحقوق الطفل وتحرير العبيد وحقوق الحيوان والميثاق الاسلامي لحقوق الانسان هل حد يتخيل ان احنا دينا بهذا الرقي وبهذه العظمة وان سورة النساء اتكلمت عن هذه المعانى ولكن للأسف الشديد يعني آآآ يعني المسلمين مشغولين بالدنيا عن -

00:38:57

آآ امر كتاب الله. الحاجة الثانية ان آآ لما تيجي تقرأ سورة النساء يعني ايه يعني ممكن تتوه شوية لو انت مش واحد بالك من الروابط. سورة طويلة والسورة بتدخل من موضوع -

على موضوع تاني ما انتاش عارف ايه اللي دخلك اصلا في الموضوع. يعني ايه آآآ يعني يعني تلاقي مسلا ايه فجأة شوط بيتكلم عن اليهود. اليهود الم تر للذى -

00:39:30

اوتو نصيبا من الكتاب يشترون الضلاله ويريدون ان ينطون سبيلا. الم ترى الذين يبقى اليهود. بعد كده تلاقي شوط تاني بيتكلم عن الجهاد والقتال صوت القتال وقضية الجاد فيقاتل في سبيل الله. الذين يشرون الحياة الدنيا بالآخرة. بالآخرة ومن يقاتل في سبيل الله -

00:39:40

فيقتل او قتال. بعد كده تلاقي نفسك فجأة دخلت في قضية الاسرة. قضية الاسرة الرجال قوامون على النساء بما فضل الله بعضهم على بعض وبما انفقوا من اموالهم فالصالحات قانتات حافظات للغيب وحفظ الله. والتي تخافون نشوزهن قضية الاسرة وقضية الاصلاح -

00:40:00

الاسري بعد كده فجأة تلاقي نفسك دخلت في قضية المنافقين والآيات بتتكلم عن الذين يريدون ان يتحاكموا الى الطاغوت وقد امرموا ان يكفروا به ها وبتكلم عن المنافقين. الله وان منكم لمن لا يبطن. يعني ايات تتكلم عن المنافقين. بعد كده فجأة تلاقي اية -

00:40:20

انت بتتكلم عن الطاعة ويقولون طاعة. قضية الطاعة وقضية انك انت لازم تتبع الشرع خمس مواضع دول يا جماعة يعني ممكن نسميهم ايه؟ الایه؟ القضية الخمسية. او الموضوع الخمسي لأن الخمس مواضع دول موضوع اليهود موضوع القتال والجهاد -

00:40:40

موضوع الاسرة موضوع المنافقين موضوع الطاعة والاتباع الخمس مواضع دول هتلاقوهم في تلت سور يعني نفس النمط بتاع الترابط الموضوعي في سورة النساء هتلاقوا في سورة الاحزاب وهتلاقوا في سورة النور. والتلات سور دول عمر بن الخطاب رضي الله عنه يعني ركز على ان يعني النساء -

00:41:03

يتعلموهم او الناس يتعلموهم سورة النساء سورة الاحزاب سورة النور ايه القضية ايه العلاقة ما بين الخمس مواضع دول عشان نفهم الآية بتدخلنا منين بتخرجني على فين؟ عشان لما تلاقي نفسك دخلت من موضوع اليهود لموضوع المنافقين. لموضوع القتال، رجعت على الاسرة. طلعت على الطاعة تبقى فاهم -

00:41:23

في حاجتين في الكائنات الدقيقة اللي بتسبب امراض للانسان. في حاجة اسمها البكتيريا وحاجة اسمها الفيروسات. البكتيريا والفيروس. ايه الفرق بين البكتيريا والفيروس. البكتيريا كائن اصطدامي. وش. عارف اللي يقول لك ايه؟ جبهة وش كده. البكتيريا كأن الصدام. يقوم داخل الدم ومنتشر في -

00:41:43

ويقعد يخلف ويتوالد يقوم جهاز المناعة يستثار يتجنن يقوم مطلع كرات الدم البيضا جيوش تدور معركة كرات الدم البيضاء البكتيريا وفي النهاية يتكون الصديد. الصديد ده ده القتل بتوع المعركة. ده الضحايا بتوع المعركة اللي تمت ما بين -

00:42:03

جهاز المناعة وما بين البكتيريا وفي الآخر انتقتل البكتيريا وتكون الصديد اللي هو قتل المعركة وضحايا ضحايا المعركة يبقى ده البكتيريا كائن اصطدامي. الفيروس بقى ايه المشكلة؟ الفيروس كائن يعني ايه؟ مش هنقدر نقول كائن خبيث او كده انما كائن له فكر تاني الفيروس يوم داخل وواقف على الخلايا من برة ما يعملش اي مشاكل -

00:42:23

ويقوم حاقدن السم بتاعه جوة الخلية. وواقف برة السم يدخل يسمم الخلية. يجنن الخلية للفيروس تقوم الخلية بتاعة الانسان نفسها

تقعد تطلع ملابس النسخ من الفيروس. تقعد لأ تقدر تصنع نسخ من الفيروس نسخ الخلية البشرية نفسها. اللي الفيروس داخل  
يدمرها هي اللي تقعد تصنع نسخ من الفيروس - 00:42:43

وتطلع ملابس النسخ والفيروس كده ما حدش يعرف يقاومه ولا جهاز المناعة يعرف يضرره. لأن هو سخر الجسم ان هو اللي يضرب  
نفسه ايه الفرق بين البكتيريا والفيروسات هو ده الفرق بين اليهود والنصارى. النصارى اصطدميين الحملة الصليبية الاولى الحملة  
الصليبية الثانية - 00:43:13

يدخل القدس ويبدحه في المسلمين ويشوي في جسسه الأطفال ويعمله. الامة تستنفر ضدهم تحصل حطين تحصل معارك اضطرد  
النصارى. اليهود مش كده بقى. اليهود يحكموك من غير ما ولا واحد منهم بيان اصلا. ويبيقوا بيحركوا البلد كلها - 00:43:33  
مصالحهم هم ومجندين ناس في البلد. ان هي تخدم مصالحهم وتأخذ قرارات مزارعهم وما فيش ولا واحد يهودي ماشي في الشارع  
اصلا اليهود زي الفيروسات يحقن ويسمم ناس من جوة البلد وهو قاعد برة ويسلخهم لخدمة اغراضه في تدمير - 00:43:53  
البلد الاسلامية وهو ما زهرش في الصورة زي الشيطان اكبر خدعة الشيطان عملها ايه ؟ ان الشيطان ممكن يضيعك وانت ما انتاش  
عارف انه موجود اصلا انت عمرك ما شفته ولا سمعته اصلا وهو اللي مضيع لك حياتك. اهو اليهود كده يا جماعة. مين بقى  
- 00:44:13

يعني اعذكم الله الحمار اللي اليهود بيركبوا عليه دايما عشان يدخلوا اي بلد اسلامية. مين دايما الدابة اللي اليهود بيركبوا فيها عشان  
يدمروا اي بلد اسلامية مين المنافقين المنافقين دايما هم دخلوا العراق ازاي ؟ ركعوا الشيعة. هم دخلوا افغانستان ازاي ؟ ركعوا التحالف  
الشمالي. هو هو عمره ما - 00:44:31

بيدخل ويضرب كده هو يشوف حد يدخله يشوف حد يقوم بالمهمة عنه. بقى اذا ده العلاقة ما بين اليهود وما بين المنافقين  
المنافقين دول دايما العينة العلمانيين التغشويين ها العينة اللي دايما اليهود يفكرا ازاي يدمر - 00:44:55  
من خالها ازاي يضرب الواقع من خالله ما فيش ولا يهودي سهر. اليهود كلهم وراستاره كلهم وراستاره واللي زاهر في القضية كلها  
هم المنافقين طيب دلوقتي اليهود هيخللي المنافق يعمل ايه ؟ اول حاجة في ضرب المجتمع الاسلامي اليهود بيعملوها ايه ؟ اول حاجة  
- 00:45:15

لما الشيطان بيعبس السرايا بتعاته بيعبس الشياطين وروحه بقى يضيعه المسلمين بقى. فيجو له بقى ايه اخر اليوم. فيقول لي  
الاولاني عملت ايه ؟ يقول له انا فضلت ورا الشاب الفلاني لحد ما زقنا يقول له ياتك خيبة بكرة هيتوب. انت عملت ايه ؟ يقول له انا  
فضلت وراء الاب الفلاني لحد - 00:45:35

ما قبل انه ياخد رشوة ويسرق من المال العام يقول له ياتك خيبة بكرة هيتوب. بيجي الثالث يقول له عملت ايه ؟ يقول له فضلت  
وراء فلان لحد ما خليته يطلق مراته لحد ما خربت الاسرة المسلمة اللي ا تكونت ما بين فلان وفلان يقول له تعال فيدينيه انت انت  
- 00:45:55

انت اللي فاهم. انت اللي فاهم الخراب بيعجي في الامة الاسلامية ازاي ؟ انت اللي فاهم ازاي نخرتها عليهم. انما الشاب اللي زنا ده  
هيروح حين انه يعطي ويقول اللي عملته في نفسي ده بتت اليك يا رب. واللي ارتشى ده هيرجع يقول انا ازاي اكل اولادي مال حرام  
وكل لحم نبت من سحت فالنار - 00:46:15

انما اللي بيته اتخرب ده هو بقى انسان بلا زوجة. طب الوقفي شهوتة هتروح فين ؟ وهي انسانة بلا زوج. والمرأة من خير زوج ومن  
غير راجل اضعف ما تكون. وولادهم مشردين في الدنيا. عيال متشردة هيطلعوا ايه يعني ؟ اسر متصدعة. هيخرج منها مصايب. كل  
- 00:46:35

المصايب فيقول له انت انت اللي فاهم. انت اللي فاهم نخرتها ازاي. بقى دايما اليهود عايزين يعملوا ايه في المسلمين ؟ يخربوا  
الاسرة المسلمة فده الموضوع الثالث اللي هو موضوع موضوع الاسرة. طب لما يخربوا الاسرة المسلمة احنا ناس  
ورانا قضية جهاد يا جماعة. احنا - 00:46:55

هل رضيت قتال يا اخوانا احنا امة مجاهدة نحن دعوة ماجدة تحمل تحميها دولة مجاهدة. نحن دعوة ماجدة تحميها اولى مجاهدة احنا قضية الجهاد بتاعتنا مين بقى ان شاء الله اللي هي jihad بقى ؟ رح بقى انزل للشباب دلوقتي بتوع نادي الجزيرة كده قل لهم يلا تعالوا نجاهد يا جماعة. نجاهد مين يا حبيبي - 00:47:15

نجهز مين يا بابا انت عايشين في انت عايشين في البتاع جايب مين يا عم ما انا عارف اجاهد نفسي اجاهد مين يا عم رح هات لي هات لي انا امضغها ولا اروح هات لي يا عم اجايب مين ؟ انت بتتكلم في ايه ؟ انت اتكلم في اجيال خرجت من اسر متصدعة لا منزومة اسرية ربها ولا حاكم - 00:47:35

في صالح رياها ولا تعليم صالح رياها. ولا اعلام صالح رياها. انت بتتكلم في مجتمع يعني الله وحده به علیم. بيقى ازا ييجي قضية الجهاد مين اللي هي jihad بقى بعد التصدع ده ؟ طب قضية الطاعة القضية الخامسة في التوليفة الخامسة ديت بتاعة سورة النساء. قضية الطاعة قضية - 00:47:55

يعني ولو انهم فعلوا ما يوعظون به لكان خيرا لهم واشد تثبيتا. واذا لاتيناهم من لدنا اجرا عظيما ولا هدينهم صراطا مستقيما. ومن يطع الله والرسول فاولئك مع الذين انعم الله عليهم من النبيين والصديقين والشهداء - 00:48:15

اولئك رفيقة قضية الطاعة. ايه قضية الطاعة ؟ يعني لما يعني الواحد آآآ احتك باخوة التبليغ والدعوة زمان فلقيته كل ما يحصل اي حاجة عايزين نروح آآآ ندعوا الرجل الفلانى. مستعدين كل يوم رافع ايده مستعدين ان شاء الله. طب - 00:48:35

مش عارف ان سفر البلد الفلانية مستعدين ان شاء الله. طب عايزين مش عارف نعمل ايه اكراام لمين ؟ مستعدين. بقول واحد هو ايه مستعدين ده ؟ هو كل حاجة مستعدين مستعدين - 00:48:54

فقال لي اه مستعدين دي فيها فكر. قال الوقتي انت بيطلب منك حاجة انت عارف معادها امتنى وعارف مطلوب منك فيها ايه. فانت دول مستعدين مستعدين قال لي انما انت بكرة ممکن المهد بيعس. ممکن المهد يطلع ويطلب من الامة كلها انها تبایعه على الجهاد في سبيل الله - 00:49:04

فده حاجة جت فجأة وهتسايب دنيتك عشانها وهتروح تضحي بروحك فيها. ساعتها هتقدر انك تقول مستعدين ان شاء الله فاحنا بنتدرب على كلمة الطاعة في الحاجات اللي في استطاعتنا الوقتي عشان يوم ما ييجي جهاد - 00:49:24

في سبيل الله فجأة او قتال لليهود في فلسطين فجأة بيقى احنا ساعتها نقدر نقول مستعدين فاحنا بنتدرب على كلمة الطاعة. بنتدرب على طاعة الله سبحانه وتعالى بيقى اذا يا اخوانى في الله التوليفة الخامسة عشان وانت بتقرروا سورة النساء - 00:49:44

تعرفوا الدنيا ماشية ازاي. الموضوع ماشي ازاي. هتلاقو ايات عن اليهود دول الفيروسات. اللي قاعدة من ورا تحقن سم في دماغ العلمانيين والمنافقين عشان تجندتهم لتدمير الدولة. طيب وبعد كده المنافقين دول بقى الادوات اللي اليهود - 00:50:01

سخروها لتدبير المجتمع الاسلامي. طب بعد كده القتال ده الهدف اللي احنا عايزين الرجال يطلعوا عشانه. طيب وقضية الاسرة ديت اللي هم مسخرین جهدهم عشان يدمروها. يعني بيموتوا من اي اسرة صالحة ملتزمة. طب قضية الطاعة قضية احكام المواريس. قضية احكام اليتامي. قضية احكام النساء - 00:50:21

قضية الاحكام دي قضية الطاعة ان احنا لو ما طعنash ربنا سبحانه وتعالى المجتمع كله هي هيلك والمجتمع كله هي هيلم آآآ صورة النساء يا اخوانا من الصور اللي يفهمها ودنه هتطلع دخان وهو بيقرها. يعني اللي هيفهم سورة النساء هيحس انه هيطلق دماغه دي هتغلي - 00:50:41

وهو بيقرها. سورة النساء من السور القتالية. من السور الجهادية ودي حاجة غريبة جدا. ان سورة بتتكلم عن الجهاد بالمنزد ده. فليقاتل في سبيل الله وما لكم لا تقاتلوا في سبيل الله. والمستضعفين من الرجال والنساء والولدان. فضل الله - 00:51:01

ايدينا على القاعدين اجرا عظيما. ان الذين توفاهم الملائكة ظالمي انفسهم. قالوا فيم كتم ؟ قالوا كنا مستضعفين في الارض قالوا الا سورة النساء صورة حماسية جدا. صورة جهادية صورة قتالية. صورة عالية. صورة لما بتتكلم النصارى بتجيبيهم - 00:51:21

نصين صورة بتواجه اليهود والنصارى في حقيقتهم. وبكرفهم وبضلالهم. سورة بتقول لك ما فيش تمييع في الدين ما فيش حاجة اسمها ان احنا نجيب حنة من الدندا على حنة من الديندا. وان نرقع المبادئ مع بعض. ويريدون ان يتخدوا بين ذلك سبلا. اولنك - 00:51:41

الكافرون حقا. قمة الكفر المنهج التلفيقي في العقيدة. سورة النساء سورة واضحة. سورة قوية. سورة مليانة مبادئ وصورة مليانة قوة في الجهاد اللي هيعيش مع ايات سورة النساء هيحس بشحنة حماسية لن ينساها طيلة حياته. لن ينساها طيلة عمره وهو - 00:52:01

اقرأ السورة كده ومع كل مرة تزداد الشحنة ديت وتزداد المعاني ديت. تاني يا اخواني في الله قلنا ان السورة بدأت بفتنة المال وفتنة النساء اه اه قلنا ان الصورة اتناولت قضية العدل مع الاعداء. العدل مع الضعفاء العدل على الاولياء والاحباء. قلنا ان السورة اتكلمت عن - 00:52:21

مبادئ لم ترتقي البشرية لمسلها في التاريخ على الاطلاق قلنا ان سورة النساء اتكلمت عن قضية اليهود والمنافقين والقتال والطاعة والاسرة آه هتلاقي في وسط الايات كده ايه فجأة وانت في وسط الايات تلاقي ايه - 00:52:41

هي بتتكلم عن الصلاة فجأة كده او قال عن القرآن افلا يتذمرون القرآن؟ انت ما انتاش عارف ايه اللي جاب الاية عن القرآن في وسط الايات؟ يا ايها الذين امنوا لا تقربوا الصلاة - 00:52:56

فاتي وانتم سكارى. الله! احنا كنا بنتكلم عن ايه! وبعد كده جت فجأة صلاة وبعد كده رجعنا تاني نكمل الموضوع بتاعنا! هتلاقي ايات بنتكلم عن الصلاة! وعن القرآن في وسط - 00:53:06

دي يا اخوانا عاملة بالزبط زي عربية ماشية على الطريق السريع لازم عشان تفضل مكملة كل شوية تدخل البنزينية تشحن وتموت وبعد كده تقوم لو انت ما شحنتش عمرك ما هتقدر تواصل ولا عمرك ما هتقدر تكمل. يبقى الايات اللي عن القرآن وعن الصلاة في النص دي معناها ان الطريق الرهيب - 00:53:16

بتاع سورة النساء ده الطريق القتالي الجهادي ده. الطريق بتاع نصرة المبادى والتضحية بالنفس من اجل المبادى. الطريق ده مش هيقدر يمشي فيه. ولا هيقدر اصل فيه غير انسان قلبه مشحون عشان كده ربنا بيقول في السورة المتر الى الذين قيل لهم كفوا ايديكم. ما لكش دعوة ما تقاتلش. واقيموا الصلاة - 00:53:36

سواءت الزكاة. فلما كتب عليهم القتال. الله اكبر. الانقلاب. الله! هو ربنا قال له صلي. واعبد اتشحن صح تربى صح. لانك بكرة هيطلب منك قتال. يا اخوانا احنا قاعدين الوقتي آه يعني يقول لك ايه آه افغانستان فيه الجهاد. يا عم وانا اعرف ان هو جهاد صح ولا غلط - 00:53:56

وانا اعرف اصلا اللي هناك دول ينفع ان انا اضحي بنفسي عشان طب العراق فيه اقتل يا عم وانا اعرف ان القتال ده صح ولا غلط منين؟ يا عم ده خمسمية واحد بيضربه في خمسمية واحد - 00:54:16

انا عارف منين طب بكرة بقى لما يتفتح باب الجهاد في فلسطين ما فيش فيها اي ريبة. انت رايح تقاتل اليهود. هتسأل هل انت مستعد للحزة ديت؟ هل انت المتر للذين قالوا لم - 00:54:26

كفوا ايديكم دلوقتي اهو ما فيش قتال. بس اقيموا الصلاة واتوا الزكاة. اشحنا قلبك. اتربوا. بكرة يا اخوانا فيه تكاليف صعبة. الذي يرى الاحداث الناس الرهيبة التي تحدس على وجه الكرة الارضية الان يعلم ان الله يمهد الارض لاحداس عظيمة. يعلم ان الله يمهد الارض - 00:54:42

في احداث ضخمة المستقبل القريب اللي جاي مش هيمنفع فيه انصاص رجاله. مش هيمنفع فيه غير الرجال. مش هيقدر انصر الدين الفترة الجاية يا جماعة غير الرجال ليه؟ لان الفترة الجاية فترة صعبة. والامتحانات بتاعتها امتحانات صعبة. يبقى لو انت ما اتربيت ش صح - 00:55:02

لو انت خرجم من رمضان ده ما انتش متربى على القرآن ما انتش مرتبط بمعاني اليمان ما انتاش مشحون القلب هتقدر تواصل

السنة الجاية دي ازاي. يبقى اذا لما ايه اية في النص عن الصلاة؟ اية في القرآن اية في النص عن معنى ايماني لازم ناخد  
بالنا ان ديت محططات شحن في وسط الصورة كأن المعنى - 00:55:22

عمرك ما هتقدر تواصل من غير ما تتشحن. عمرك ما هتقدر تشيل دين وانت قلبك مش مشحون. عمرك ما هتقدر تطبق احكام الدين  
في بيتك مراتك واولادك وانت قلبك مش مشحون بالايام. عمرك ما هتقدر تواجه اليهود والمنافقين والعلمانيين. عمرك ما هتقدر  
تقوم للمستضعفين في الارض - 00:55:42

وتضحي بحياتك عشان المبادى وانت مشحون القلب بالايام وبالعبادة وبقيام الليل احنا في فرصة  
يا جماعة احنا يا اخوانا احنا في غنية واحد بيقف يصلى التراويح - 00:56:02

او قيام الليل سواء لوحده او او في مسجد او في دراعه كده. الواحد بيحس ان ايه ايه يا رب البركة اللي انت مليت حياتنا بها دي يا  
رب؟ ايه يا رب العظمة اللي احنا عايشين فيها دي يا رب - 00:56:16

احنا في فرصة يا اخوانا شهر قلبك يعني مش المحمول محظوظ في الشاحن تلات ساعات. ده انت قلبك محظوظ في الشاحن شهر  
كامل. لا ينفصل عن الشاعر الفجر شحن والضهر شحن والعصر شحن. والمغرب شحن والعشاء شحن والتهجد شحن. انت شحن ليل  
نهار. قاعد تتشحن ليل نهار لا تتوقف عن الشحن ابدا - 00:56:26

احنا دلوقتي عندنا التراويح بعد العشاء ساعتين عبادة متصلة. سواء هنا في المساجد كلها اللي في في اي مكان. ها عندك التهجد  
التهجد اللي معمول في مسجد الزهراء بالنسبة لاخوانا والشباب والناس اللي تقدر عاملين تهجد في مسجد الزهراء. اه ادي كمان  
ساعة ونص ساعتين عبادة تانين قبل الفجر وصلى - 00:56:46

بعد كده الناس بتتسحر مع بعض هناك وتيجي هنا مكان زي ده هتقعد جلسة الضحى هتسمع تفسير جزء القرآن اللي هيتبقلب بالليل او  
بعض الملامح بتاعته بعد كده انت في باقي حياتك بقى اسنانه اليوم. تجib الجزء اللي هيترقى في التراويح بالليل وتقرأه وتحضره  
كويس. انت هتدخل باي مسجد في اي وقت هتلاقي الناس بتبعد ربنا - 00:57:06

النهار. رمضان ربنا مرتب لك كل حاجة. ربنا يعني الطريق متسللت لك. الباقي انك انت تمشي فيه. والباقي انك انت تنطلق فيه.  
والباقي انك انت تقوم بحق الله فيه مش عايزين نضيع الفرصة دي يا جماعة. فلما كتب عليهم القتال يعني يعني المصيبة ان احنا لما  
تيجي التكاليف الحقيقية بقى بعد رمضان نلاقي كل - 00:57:26

دي حاجة راحت مننا كقول الله سبحانه وتعالى آآ وجاء من اقصى المدينة رجل يسعى. قال يا قوم اتبعوا المرسلين. وجاء من اقصى  
المدينة. هو كان قاعد في اقصى المدينة بيتربي وبيتشحن قلبه. اول ما حصل - 00:57:46

في الواقع نزل واشتغل في الدعوة وضحى بروحه عشانها ليه؟ لانه كان مشحون. لانه كان متربى صحيحا. فاما نزل عمل بطولة ربنا  
خالدها في سؤال ليوم القيمة انت كذلك الوقت في اقصى المدينة. انت قاعد في رمضان الوقت قاعد تبعد ربنا. بعد رمضان مطلوب  
منك تشتغل في الدعوة الى الله. مطلوب منك تأمر بالمعروف تنهي عن المنكر - 00:58:00

مطلوب منك تسعى في الاعمال الخيرية. مطلوب منك انك بقى لك دور في نصرة دينك. لو انت عشت رمضان صحيحة هتنزل بعد  
رمضان راجل مشحون بالايام. نسأل الله سبحانه وتعالى - 00:58:20

قال ان يفقها في القرآن وان يفقها بالقرآن. نسأل الله سبحانه وتعالى ان يفهمها القرآن. وان يفهمها بالقرآن. اللهم اجعل القرآن العظيم  
فرييع قلوبنا ونور صدورنا وجلاء احزاننا وذهاب همومنا. اللهم انر حياتنا بالقرآن. اللهم اضي قلوبنا بالقرآن - 00:58:30

اللهم انر صدورنا بالقرآن. اللهم انر بصائرنا بالقرآن. اللهم ارض طريقنا بالقرآن. اللهم ارزقنا تلاوته انا الليل واطراف النهار على الوجه  
الذى يرضيك عنا. سبحانهك اللهم وبحمدك. اشهد ان لا الله الا انت. استغفرلك - 00:58:50

- 00:59:10